

Nyapnyuk Ndaw Majhung

成长中的烦恼

Dou ngoenz dem ngoenz majhung, ndawde moix boux cungj gag miz nyapnyuk, gou hix dwg yienghneix, hawj gou ceiq nyapnyuk dwg gienh saeh haenx.

Couh dwg 2009 nienz 2 nyied ngoenz he, youq gwnz loh ma ranz, gou caeuq godaih lumj bingzciengz nei byaij gwnz roen iq, sawqmwh miz daeg gauh-cunghswng he diuq okdaeuj, cam dou miz mbouj miz cienz, gou mbouj vueng saekdi naeuz: "Mbouj miz."

Boux hagseng hung haenx mbouj saenq, heuh dou ging fwngz hwnj hawj de saeuj ndang, caeklaiq gwnz ndang gou mbouj miz cienz, baez neix boux de fwngz byouq lo. Ngoenz daihngleih banringz cuengqhag, gwnz ndang gou miz gij cienz cawx bouh lw haenx, youh byaij daengz diuz loh iq haenx, boux hagseng hung ngoenzlwenz youh daeuj hangz



dou aeu cienz, baez neix gou youh hawj de fwngz byouq. Siengj rox gou baenzlawz guh lwi? Mwh de caengz saeuj ndang gou gou gaenq diem cienz hwnjdaeuj lo. Ciep roengzdaeuj geij ngoenz song boux dou ciengzciengz bungz boux hagseng hung haenx, de hwk dou naeuz mbouj cinj bauq hawj bohme h caeuq lauxsae,

mboujnex, de couh moeb dou. Gou siengj bauq hawj lauxsae caeuq bohme, hoeng danghnaeuz hawj de rox le, caen rox moeb dou, danghnaeuz mbouj bauq hawj lauxsae caeuq bohme, ngoenzngoenz yiengh-neix hix dwglau. Gienh saeh neix hawj gou gig nyapnyuk, ngamqndei geij ngoenz neix de mbouj daeuj, dwg aenvih gwnz ndang dou cungj mbouj daiq cienz, couhcinj miz cienz hix mbouj hawj de ra ndaej raen, de doeknaiq lo.

Gou lij dwg miz di nyapnyuk, geij ngoenz neix de mbouj daeuj lo, gvaqlaeng caiq daeuj dou baenzlawz guh ne? Gou miz aen banhlap he, mboujgvaq gou mbouj rox, aen banhlap neix miz mbouj miz yungh, couh dwg haep de. Mwnz ndaej bang gou siengj aen banhlap he lwi? **(Buz Mizlinz)**



Soucomz Rin

收集石头

Gvaq saedcej gigiz miz yozvwn, soucomz, caebyo hix dwg yozvwn. De ndaej hawj dou lumj duzrwi nei, bae ndaw suenva ndaw swngghoz dou cimhra, dazoemq gij dangz vandiemz swgheij.

Gou gig maij soucomz rin.

Soucomz rin ndaej hawj gou roxnaj gij doxgaiq ndawbiengz gyaunde, geizgvaq, saenzmaed. Ndaw biengz lumj gag miz boux mohsuzsw he, dawz gij rin bienqbaenz gak cungj gak yiengh, yienghsiengq mbouj doengz. Moix gaiq rin cungj lumj deu muz gvaq, iqet ndongqrik, cinggiuj saeqnaeh, ndeyawj dangqmaz.

Gou cuengq rin youq ndaw aen hab iq he, dou itheij dajhai yawjyawj ba: Gij neix ndawde, gaiq ceiq hung cij hung baenz fa bingz, gaiq ceiq iq iq lumj lwfwngziq. Ndawneix mizmbangj rin lumj duzbya iq, mizmbangj lumj duzug, mizmbangj lumj dujva, lai cungj lai yiengh.

Mboujguenj gou daengz gizlawz, yawjraen gij rin gyaunde, iqet, daegbied haenx, cungj gip hwnjdaeuj, cuengq haeuj ndaw hab bae.

Sujgyaj, hanzgyaj, gou bae ranz daxbuz caeuq gyoengq hujgeiq iq cimh rin. Dou benz hwnj bya bae, dangh gvaq rij, con gvaq ndoengfaex, hamj gvaq boengznywj. Gij sing angqriu dou gingdoengh gyoengq roeg ndaw ndoeng. Yienghneix, dou ciengzciengz mienx mbouj liux doxbeij yawj byawz ak, bae damqyiemj yawj byawz ceiq mbeihung.

Moix baez ra ndaej cungj rin he, gou cungj gig angq, gij rin haenx buenx gou majhung, hawj gou seiziq gig vaiqvued.

(Liuz Nazyih)

Diuz rij iq he, vangqvauvau youh ciengq youh diuq, cwxcaih dwk laecan. Lae dwk lae dwk, raemxrij daeujdaengz byai dat, cij dingqnyi "aeya" sing ndeu, raemxrij caengz ndaej diemcaw, couh deng gyoengq baengzyoux iq nyoengx roengz laj dat. Seizneix, cien diuz fanh diuz raemxrij comz youq itheij, itheij diuq doxroengz, gij singgo haenx yied haeuj yied yiengj, yied daeuj yied yiengj, sien dwg vuedbued, bienq baenz haenqfw, yienzlaiz sing seuqsek bienqbaenz sing gyukrongx. Gyoengq raemxrij doxdongx, nahnauh yiedyied bongh roengz laj bae, lumjbaenz yaek guhbaenz gienh daihsaeh he, gyoengqde hawj ndaw lueg dinghsoebsoeb haenx dem le yiengh senggei hoenghhd he.....

(seiq nienzgaep Yin Cinhcinh)

Raemxrij

小溪流



Ciuq Gingq Veh Swgheij

照着镜子画我



Ngoenzhaenx lajbyonghngoenz dangz meijsuz, gyoengq doengzhag gak boux gag mbon daeh dawz aen gingq iq ndeu okdaeuj. Neix dwg sizsiz lauxsae ngamq daeuj moq ngoenz-

lwenz gaenq anbaiz ndei lo, gyoengq doengzhag lij caengz rox daiq gingq daeuj yaek guh gijmaz.

Lingz hwnjdangz yiengj le, sizsiz lauxsae doiq daihgya naeuz: "Ngoenzneix gyoengq doengzhag ciuq gingq gag veh swgheij, haeujsim, aeu gaemdawz gij daegdiemj swgheij daeuj

veh o." O! Laxlawz daiq gingq daeuj couh dwg ciuq gingq veh swgheij, caen singisien ha!

Gou bingzseiz youq ranz gig siuj ciuq gingq, ngoenzneix naj doiq aengingq, gou cij nyinhnyinh caencaen ndomqyawj swgheij mbat ndeu; fouq lwgda iq lumj daxboh nei;

aenndaeng hix iqet, hoeng lij suenq bonghsoh. Aenbak loq dit hwnj, naengbak ndingndet gig ndeyawj, daegbied dwg song mbiengj gemj miz song aen cenjlaeuj, baez riu seiz, couh mboep haeujbae baenz song aen "congh", lumjbaenz caen cang ndaej haujlai laeuj nei. Diuz riengmbengq gou seizbienth cug, cienz dwg baengh geij diuz caijsaek gyauhguh daeuj cang lengj.

Doiq coh aengingq, gou veh gij daegdiemj neix roengz gwnz ceij bae. Veh ndei le caiq sijsaeq ndomqyawj, hix caen lumj swgheij dahraix bw.

(Sauhingh Yen Sizyen Siujyoz Cenx Swhdenz)